

# Ժողովուրդ

65  
(2731)

6 մայիսի շաբաթ 2023  
տպագրության ԺԲ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

## ՄԵԾ ՀԱՆՐԱՔԱՎԱՔՐ՝ ԱՐՑԱԽՈՒՄ



«Ժողովուրդ» օրաթերթի տեղեկություններով Արցախում առաջիկայում հերթական մեծ հանրահավաքն է սպասվում մայիսյան եռատոնին ընդառաջ: Արցախի մեր աղբյուրներից տեղեկացանք, որ հանրահավաքը նախաձեռնել են Արցախի ստորագրահավաքը նախաձեռնած Երիտասարդները, որոնց Հայաստանում միացել են ստորագրահավաք է նախաձեռնել ԱԺ ՄԻՊ հանձնաժողովի նախագահ Թագուհի Թովմասյանը, որը 2 օրում մոտ 5 հազար ստորագրություն է հավաքել արդեն: Հանրահավաքը Արցախում Ադրբեջանի կողմից հայերի էթնիկ գտումը, ցեղասպանական քաղաքականությունը դադարեցնելու և 2020 թվականի նոյեմբերի 9-ի եռակողմ հայտարարությունը կատարելու պահանջով է լինելու: Հանրահավաքը նաև մայիսյան հաղթանակների ոգով է կազմակերպվելու, լինելու են ելույթներ՝ դրան նվիրված: Մեր տեղեկություններով՝ հանրահավաքի նախապատրաստական աշխատանքները արդեն իսկ սկսվել են. չի բացառվում, որ այդ հանրահավաքին մասնակցեն նաև Արցախի իշխանությունները, ինչպես նաև ընդդիմությունը:

Հաջորդ շաբաթ Մոսկվայում կարող է տեղի ունենալ Հայաստանի և Ադրբեջանի ղեկավարներ Նիկոլ Փաշինյանի և Իլհամ Ալիևի, ինչպես նաև արտգործնախարարների հանդիպումը: Մոսկվայում է նման առաջարկով հանդես եկել: Մինչ այս, նկատենք, որ Վաշինգտոնում չորս օր շարունակ Հայաստանի և Ադրբեջանի արտաքին գործերի նախարարներ Արարատ Միրզոյանն ու Ջեյհուն Բայրամովը բանակցում էին ԱՄՆ պետքարտուղար Էնթոնի Բլինքենի հետ: Համատեղ հայտարարության մեջ նշվում է, թե մի շաբթ հարցեր կողմերը համաձայնեցրել են, սակայն նաև տարաձայնություններ ունեն: Ռուս քաղաքագետ Ստանիսլավ Տարասովը «Ժողովուրդ» օրաթերթի հետ զրույցում նկատեց, որ ԱՄՆ-ում մոռացել են Արցախի կարգավիճակի մասին: «Ադրբեջանը շարունակում է իր դիրքերն առաջ տանել, սա նաև չի զիջելու: Եթե Երևանը համաձայնի Ադրբեջանի բոլոր պայմաններին, ապա այդ դեպքում հնարավոր է համաձայնության հասնել, հակառակ դեպքում գործընթացը կձգձգվի», - նշեց նա: Քաղաքագետի խոսքով՝ Արեւմուտքը փորձում է օգտվել աշխարհաքաղաքական իրավիճակից և ՌԴ-ի շուրջ զարգացումներից:



Հայաստանից տնտեսվարողների մոտ բողոքի մեծ ալիք է հասունացել: Պատճառն օնլայն առևտուրն է: ՀՀ էկոնոմիկայի նախարարությունը, այն փոքր-ինչ մեղմելու փոխարեն, ավելի է սրում: «Ժողովուրդ» օրաթերթին դիմած տնտեսվարողների խոսքերով՝ իրենք ստիպված են լինելու փակել իրենց խանութները, առևտրի կետերը, քանի որ օնլայն առևտրի պատճառով չեն կարողանում ապրանք վաճառել: Մեծացել է այն հաճախորդների թիվը, որոնք նախընտրում են էլեկտրոնային առևտրային հարթակի միջոցով ձեռք բերել իրենց ուզած ապրանքը, կոշիկը, պայուսակը կամ այլ իր: Նման իրավիճակ առաջացել է ՀՀ մարզային քաղաքներում, որտեղ 4 եւ ավելի աշխատատեղ ունեցող խանութները սկսել են կամաց-կամաց փակվել՝ կուտակելով մեծ պարտքեր: Էկոնոմիկայի նախարար Վահան Զեյրոբյանն ի՞նչ է անում այս խնդիրը լուծելու համար: Պարզվում է՝ ոչինչ: «Ժողովուրդ» օրաթերթը տնտեսվարողների մտահոգությունները փոխանցեց նախարարին, սակայն նրա կարծիքը, անտարբեր պատասխանը խիստ զարմացրեց մեզ. «Կանխատեսված էր դա: Ռա բիզնես ռիսկ է»: Այնուամենայնիվ, «Ժողովուրդ» օրաթերթը փորձեց եւս մեկ անգամ նախարարից հետաքրքրվել, թե ինչ է ձեռնարկում տնտեսվարողներին այս հարցում աջակցելու համար: «Էն օրը Ազգային ժողովում պատգամավորներից մեկը հարց էր տվել, ասում է՝ գյուղացիները կաղամբ են աճեցրել, չեն կարողանում ծախսել, ինչ որ ծրագիր ունենք, որ ծախսեն: Ասում են՝ ոչ, մենք կաղամբ գնելու ծրագիր չունենք: Նույն ձեռք մենք «Փեթակ»-ների, Չինաստանից եւ Թուրքիայից կարգույով, առանց հարկերը վճարելու ներմուծող եւ առանց տեխնոլոգիական հագեցվածության ընկերությունների, խանութների բիզնեսը փրկելու ծրագիր չենք կարող ունենալ: Մենք աշխատում ենք, որպեսզի Հայաստանում բիզնեսը լինի մեծ կապիտալով, բարձրակարգ, տեխնոլոգիապետ հագեցած բիզնես», - նկատեց երկրի տնտեսության համար «մտահոգ» նախարարը: Բայց, մյուս կողմից, նկատենք, որ խանութների փակվելուն զուգահեռ՝ բազմաթիվ քաղաքացիներ ստիպված դառնում են գործազուրկ: Էկոնոմիկայի նախարար Զեյրոբյանին այս խնդիրն ամենեւին չի հետաքրքրում. «Մեզ աշխատատեղերը չեն հետաքրքրում, մեզ հետաքրքրում են բարձրակարգ եւ մրցունակ բիզնեսները: Աշխատատեղերը հետեսանք է, ոչ թե նպատակ»:



«Ժողովուրդ» օրաթերթը տեղեկացավ, որ Հայաստանի Հանրապետությունում սպառողական շուկայում 12-ամսվա ընթացքում գնաճը 2023թ. ապրիլին, 2022թ. ապրիլի համեմատ, կազմել է 3.2%, իսկ նախորդ ամսվա նկատմամբ՝ 0.1%: ՀՀ վիճակագրական կոմիտեից տեղեկանում ենք, որ 2023թ. հունվար-ապրիլին սպառողական գների միջին ամսական հավելաճը կազմել է 0.2%. Նախորդ տարվա նույն ժամանակահատվածում արձանագրվել է 1.4% հավելաճ: Մայրաքաղաքում սպառողական գներն աճել են 0.1%-ով: 2023թ. ապրիլին, 2022թ. ապրիլի համեմատ, հանրապետությունում արձանագրվել է հացի 1.9%, մարգարիտի՝ 2.6%, թարմ կաթի՝ 5.9%, պանրի՝ 11.4% գնաճ: Շաբաթի եւ շաբաթավազի ապրանքախմբում 2023թ. ապրիլին, 2022թ. ապրիլի համեմատ, արձանագրվել է 10.7%, իսկ 2023թ. մարտի համեմատ՝ 1.5% գնաճ: 2023թ. ապրիլին, 2022թ. ապրիլի համեմատ, նվազել է 1.8%-ով, իսկ 2023թ. մարտի համեմատ՝ 1.5%-ով: Մրգի ապրանքախմբում 2023թ. ապրիլին, 2022թ. ապրիլի համեմատ, գներն աճել են 6.6%-ով, իսկ 2023թ. մարտի համեմատ՝ 6.3%-ով: Պանրի գինը նախորդ տարի ապրիլ ամսին տատանվել է 2036-2850 դրամի սահմաններում, իսկ այս տարի այն արժե 2660-3950 դրամ:



ՊԱՐՏԱԴՐԱՆՔ ԿԱ

ՓԱՇԻՆՅԱՆԸ ՉԻ ՄԱՐՍԵԼՈՒ

Հայաստանի եւ Ադրբեջանի արտգործնախարարների՝ 2019 թ. սեպտեմբերին ստորագրված Կապակցության Կառավարման Կանոնադրույթի ներքին:

Հանդիպման վերաբերյալ շատ մանրամասներ հայտնի չեն. կողմերը խուսափում են բացահայտել՝ ինչ է քննակվել Վաշինգտոնում: Նիկոլ Փաշինյանը ԱԺ ամբիոնից հայտարարել է, որ վաշինգտոնյան բանակցությունների սեղանին կա փաստաթուղթ:

«Ամերիկայի ծայր»-ը հողված էր հրապարակել, որ Վաշինգտոնում Հայաստանի եւ Ադրբեջանի արտգործնախարարները բանակցում են մի փաստաթղթի շուրջ, որը կրում է «Հարաբերությունների կարգավորման համաձայնություն» անունը: Ըստ այդ հողվածի՝ համապարփակ համաձայնագրի շուրջ ընթացող բանակցություններում կողմերի միջև քննարկվող հարցերից մեկն է վերաբերում էրնիկ փոքրամասնությունների նկատմամբ երկու երկրներում, որն անդրադառնում է էթնիկ փոքրամասնությունների իրավունքներին ու անվտանգությանը:

«Ժողովուրդ» օրաթերթը վաշինգտոնյան բանակցությունների շուրջ գրուցել է ԱԺ նախկին պատգամավոր Աննա Կոստանյանի հետ:

«Տիկին Կոստանյան, ամփոփելով վաշինգտոնյան բանակցությունները՝ ինչպե՞ս կգնահատեք դրանք, ի՞նչ տվեցին մի քանի օր տեւած այդ բանակցությունները:

«Եթե հետեւենք ամերիկացի տարբեր պաշտոնյաների խոսույթին, կարող ենք հասկանալ, որ որոշակի ճնշում կա Հայաստանի վրա: Թե ճնշում կա արդյոք Ադրբեջանի վրա, ես վստահ չեմ: Առնվազն հայկական կողմին ուղղված ճնշումները ամերիկացի ներկա եւ նախկին տարբեր պաշտոնյաների բերանով տարածվում է: Այս բանակցություններից ակնկալիքները մեծ չեն առնվազն այն պատճառով, որ 5 տարին բավական էր հասկանալու, որ գործող իշխանությունը չունի բավարար կամք հայկական շահը պատշաճ ձևով ներկայացնելու համար, հետեւաբար չեն ակնկալում, որ իրենք կարողանալու են որեւէ դրական առաջընթաց արձանագրել այդ բանակցություններում: Այս իրավիճակում մեզ մնում է միայն հասարակությանը բացատրել, որ այս իշխանությունն ունակ չէ հայկական շահը պաշտպանել: Մեր խնդիրների լուծումը ոչ թե պետք է փնտրել Արեւելքում կամ Արեւմուտքում, այլ ինքնուրույն մեր մեջ:



Նիկոլ Փաշինյանն ԱԺ ամբիոնից հայտարարեց, որ Վաշինգտոնում բանակցությունների սեղանին կա փաստաթուղթ: Ըստ Ձեզ՝ ի՞նչ փաստաթղթի մասին է խոսքը:

«Հաշվի առնելով մի քանի հանգամանքներ՝ որոշակի ստիպողականություն զգացվում է, պարտադրանք կա: Կասկածում եմ, որ Վաշինգտոնում փաստաթուղթ կստորագրվի, քանի որ, ամեն դեպքում, այդ փաստաթղթի նախագիծը, որը տարբեր ֆորմատներով դաշտ է նետվում, անգամ դրա անվանումն է անընդհատ վերաձեւակերպվում, այս ամենը հուշում է, որ կողմերը դեռեւ վերջնական փաստաթուղթ ստորագրելուն պատրաստ չեն: Նիկոլ Փաշինյանը

շատ հրաշալի տեսնում է, որ օր օրի իր վարկանիշը գահավիժում է, հասկանում է՝ եթե որեւէ պայմանագիր ստորագրի, ինքը չի մարսելու: Ժողովրդին ինչքան էլ մեղադրում ենք, որ անտարբեր են, քնած են, միեւնոյնն է, ծայրահեղ վատ փաստաթղթի դեպքում այդ բռնկումը լինելու է: Սա հասկանում է նաեւ Արեւմուտքը, ուստի ներքին դեստաբիլիզացիա թույլ չտալու համար կփորձեն ինչ-որ չափով դրական դրույթներ ներառել այդ փաստաթղթում: Տրամաբանական է, որ մեզ համար լիարժեք դրական փաստաթուղթ չի լինելու, հետեւաբար մենք պետք է մեր երկրի ներսում փորձենք իրավիճակ փոխել:

Ձրուցեց ՔՐԻՍՏԻՆԱ ՄՈՒՇԵՂՅԱՆԸ

ԿԱՏԱՐԵԼ Է ՊԱՇՏՈՆԵԱԿԱՆ ԿԵՂԾԻՔ

«Ժողովուրդ» օրաթերթի տեղեկություններով՝ իրավապահները գործընթաց են սկսել բուհերի ղեկավարների դեմ: Առաջին մեղադրյալը Ֆիզկուլտուրայի եւ սպորտի պետական ինստիտուտի ղեկավարն է: Մեզ հասած տեղեկությունների համաձայն՝ գլխավոր դատախազ Աննա Վարդապետյանը դիմել է ԿԳՄՍ նախարարին՝ ղեկավարի լիազորությունները դադարեցնելու միջոցառումները:

«Ժողովուրդ» օրաթերթը դիմեց Գլխավոր դատախազություն՝ տեղեկությունը պարզելու համար, ինչին ի պատասխան՝ դատախազի խորհրդական Լուսինե Մարտիրոսյանը հայտնեց. «Քննչական կոմիտեի Սյունիքի մարզային քննչական վարչությունում իրականացվող քրեական վարույթի նախաքննությամբ բավարար փաստական տվյալներ են ձեռք բերվել այն մասին, որ Դ.Խ-ն, զբաղեցնելով պետության կողմից ստեղծված՝ հիմնադրված «Հայաստանի ֆիզիկական կուլտուրայի եւ սպորտի պետական ինստիտուտ» հիմնադրամի ղեկավարի պաշտոնը, հանդիսանալով պետության կողմից ստեղծված՝ հիմնադրված ինստիտուտի անունից հանդես գալու լիազորություն ունեցող պաշտոնատար անձ, անձնական այլ դրույթներով կատարել է պաշտոնական կեղծիք, այն է՝ 2022թ. փետրվարի 2-ին պաշտոնական շրջանառության ենթակա փաստաթղթի՝ իրավաբանական նշանակություն ունեցող տեղեկություն պարունակող կրթական կրիչի մեջ մտցրել է Արմեն Վազգենյանի կողմից 2006 թվականին Ֆիզիկական կուլտուրայի հայկական պետական ինստիտուտ (ներկայիս՝ «Հայաստանի ֆիզիկական կուլտուրայի եւ սպորտի պետական ինստիտուտ» հիմնադրամ) ընդունվելու եւ իբրեւ 2010 թվականին «Ֆիզիկական կուլտուրա եւ սպորտ» մասնագիտությամբ ավարտելու, նրան «Ֆիզիկական կուլտուրայի ուսուցչի, շախմատի մարզչի» բակալավրի աստիճան շնորհված լինելու, ինչպես նաեւ, տեխնիկական պատճառներից ելնելով, դիմումը 2022 թվականի հունիսին հանձնման ենթակա լինելու վերաբերյալ կեղծ տեղեկություններ եւ այն տրամադրել Արմեն Վազգենյանին այն պայմաններում, երբ վերջինս հիշյալ ինստիտուտում ավարտած չի եղել եւ տեղեկանքը տրամադրելու պահին ունեցել է չհանձնված պետական քննություն:

Հանցանքի կատարումը վկայող փաստերի հիման վրա՝ հսկող դատախազի կողմից 2023թ. մայիսի 2-ին որոշում է կայացվել Դավիթ Խիթարյանի նկատմամբ ՀՀ քրեական օրենսգրքի 445-րդ հոդվածի 1-ին մասով հանրային քրեական հետապնդում հարուցելու մասին:

Նույն օրը որոշումն ուղարկվել է վարույթի իրականացող մարմնին՝ մեղադրանքը Դ. Խիթարյանին ներկայացնելու համար, միաժամանակ հանձնարարվել է նրա նկատմամբ որպես այլընտրանքային խափանման միջոց կիրառել պաշտոնավարման կասեցումը»:

ԱՄՓՈՓՈՒՄ

ԻՆՉ ԱՐԴՅՈՒՆՔՆԵՐ ԵՆ ՏՎԵԼ ՀԱՆԻՒՊՈՒՄՆԵՐԸ

Հայկական, ամերիկյան եւ ադրբեջանական կողմերն ամփոփիչ հայտարարություններ են ներկայացրել այս օրերին Վաշինգտոնում ընթացող եռակողմ հանդիպումների մասին, որոնք մի քանի օր են տեւել:

Մասնավորապես, նշվում է, որ Հայաստանի ու Ադրբեջանի արտաքին գործերի նախարարները երկկողմ համաձայնագրի որոշ հողվածների շուրջ ունեցել են փոխըմբռնման առաջընթաց, սակայն մի շարք առանցքային հարցերի վերաբերյալ դիրքորոշումները մնացել են տարբեր: Այս մասին ասված է եղել Ամե-

րիկայի Միացյալ Նահանգներում քառօրյա բանակցություններից հետո կողմերի տարածած համատեղ հայտարարության մեջ: Հայտարարության մեջ նշված չէ, թե որ առանցքային հարցերի շուրջ են կողմերը մնացել իրենց հակադիր դիրքորոշումներին:

Չորս օր տեւած բանակցություններից հետո հաղորդագրություն է տարածել նաեւ Ամերիկայի Միացյալ Նահանգների պետքարտուղար Էնթոնի Բլինքենը: Նա հայտարարության մեջ նշել է, որ թե՛ երկկողմ, թե՛ եռակողմ քննարկումներից հետո կողմերը շոշափելի առաջընթաց

են գրանցել բարդ խնդիրների լուծման հարցում:

«Ես առաջարկել եմ նախարարներին վերադառնալ իրենց երկրներ՝ իրենց կառավարությունների հետ կիսելու այն հեռանկարը, որ հավելյալ բարի կամքի, ճկունության եւ փոխզիջումների դեպքում համաձայնությունը հասանելի է», - ընդգծել է ԱՄՆ պետքարտուղարը: ԱՄՆ պետքարտուղարը նաեւ եզրափակիչ ելույթով էր հանդես եկել՝ նշելով, թե լավատես է, որ այս քննարկումները խաղաղության համաձայնագրի հիմք են ստեղծել:

ՆԱԻՐԱ ՀՈՎՀԱՆՆԻՍՅԱՆ



ԲԱՅԱՅԱՅՏՈՒՄ

3 ՄԼՐԳ ԴՐԱՄԻ ԶԱՓՈՎ ՀԱՓՇՏԱԿՈՒԹՅՈՒՆ

ՀՀ Բնակավայրային կոմիտեի Երևան քաղաքի Բնակավայրային վարչության ծանր հանցագործությունների Բնակավայրային կոմիտեի Երևան քաղաքի վարչության մեծածավալ գործողությունների արդյունքում բացահայտվել է ՄՊ ընկերության հիմնադրի բարեկամի կողմից ընկերության 3.003,890.851,76 դրամ գումարը հափե-սակելու դեպքը:



Քննությանը ձեռք բերված փաստական տվյալների համաձայն՝ ՄՊ ընկերության հիմնադրի մորաքրոջ որդին՝ Ռ.Ա.-ն, 1990-ական թվականներից աշխատել է այդ ընկերությունում: Այն զբաղվել է արդյունաբերական սարքավորումների, կոնստրուկցիաների, հունքերի ձեռք բերմամբ եւ դրանք տարբեր երկրների, այդ թվում՝ Թուրքմենստանի Հանրապետության պետական ընկերություններին մատակարարմամբ, որոնք մեծամասամբ իրականացվել են պետական գնումների շրջանակներում կազմակերպված միջազգային մրցույթներին մասնակցելու եւ հաղթող ճանաչվելու արդյունքում:

Ռ.Ա.-ն, անձամբ կառավարելով ընկերության ֆինանսական ելքերն ու մուտքերը, կայացնելով միանձնյա որոշումներ, փաստացի տնօրինելով տվյալ երկրում մատակարարված ապրանքները եւ դրանց դիմաց վճարված գումարները, 2012-2018թթ. ընկած ժամանակահատվածում քննությանը դեռու չպարզված անձանց հետ կանխիկացումների եւ փոխանցումների միջոցով ուղղակի դիտարկությամբ հափշտակել է փաստացի իր կողմից ղեկավարվող 4 անհատների անուններով բացված անհատ ձեռնարկատերերի հաշվեհամարներին՝ Թուրքմենստանի Հանրապետությանը ՄՊ ընկերության կողմից մատակարարված ապրանքների դիմաց փոխանցված առանձնապես խոշոր չափերի՝ 22.170.572,38 թուրքմենական մանաթին համարժեք 3.003.890.851,76 դրամ գումար: Ապա, կեղծելով բանկային քաղվածքները եւ փոխանցումների բացակայության մասին վկայող փաստաթղթերը, նա ՄՊ ընկերության տնօրինությանը հա-

վաստիացրել է, որ հափշտակված գումարները Թուրքմենստանի Հանրապետության կողմից անհատ ձեռնարկատերերի հաշվեհամարներին չեն փոխանցվել՝ այդպիսով հնարավորություն ստեղծելով իր համար տնօրինել հափշտակված գումարները: Ձեռք բերված բավարար փաստերի հիման վրա՝ Ռ.Ա.-ին մեղադրանք է ներկայացվել՝ ՀՀ քրեական օրենսգրքի 256-րդ հոդվածի 3-րդ մասի 3-րդ կետով: Նրա նկատմամբ որպես խափանման միջոց է ընտրված եղել կալանքը: Նախաքննության ընթացքում նրա կողմից կեղծիք կատարելու դրվագով որոշում է կայացվել հանրային քրեական հետապնդումը դադարեցնելու մասին՝ վաղեմության ժամկետներն անցած լինելու հիմքով: Ռ.Ա.-ի մասով նախաքննությունն ավարտվել է: Քրեական վարույթից անջատված մասի նյութերը՝ մեղադրական եզրակացությամբ, ուղարկվել են հսկող դատախազին՝ այն հաստատելու եւ դատարան ուղարկելու միջնորդությամբ:

ԼՈՒՐԵՐ

ԱՊՕՐԻՆԻ ՄԻԳՐԱՑԻԱ

2023 թվականի ապրիլի 28-ին հսկող դատախազը հաստատել է Հայաստանի Հանրապետության 16 քաղաքացիների ապօրինի միգրացիան կազմակերպելու վերաբերյալ քրեական վարույթի մեղադրական եզրակացությունը եւ վարույթի նյութերի հետ հանձնել է դատարան:

Ազգային անվտանգության ծառայության քննչական գլխավոր վարչությունում 2022 թվականի հունիսի 20-ին նախաձեռնված վարույթով՝ 5 անձի նկատմամբ հարուցվել է հանրային քրեական հետապնդում՝ Քրեական օրենսգրքի 470-րդ հոդվածի 3-րդ մասի 1-ին կետով (մի խումբ անձանց կողմից նախնական համաձայնությամբ անօրինական միգրացիայի կազմակերպումը):

Վարույթի ընթացքում պարզվել է, որ վերոնշյալ 5 անձինք, նախնական համաձայնությամբ, 18 եւ 26 հազար ԱՄՆ դոլարի դիմաց, կեղծ փաստաթղթեր ներկայացնելով, կազմակերպել են Հայաստանի Հանրապետության 16 քաղաքացու անօրինական միգրացիան Ամերիկայի Միացյալ Նահանգներ:

Մեղադրյալներից մեկի նկատմամբ որպես խափանման միջոց է ընտրված կալանքը, չորսի նկատմամբ՝ գրավը:

ՏՈՒՄԵԼ ԵՆ 5 ԱՆՉ

Լոռու մարզային ճգնաժամային կառավարման կենտրոն մայիսի 5-ին ժամը 07:39-ին, ահազանգ է ստացվել, որ Լեռնապատ գյուղի մոտակայքում տեղի է ունեցել ճՏՊ, կան տուժածներ, անհրաժեշտ է օգնություն:

Պարզվել է, որ Վանաձոր-Սպիտակ ավտոճանապարհի 13-րդ կմ-ին բախվել են VAZ-2107 եւ VAZ-2106 մակնիշների ավտոմեքենաները:

Մինչ փրկարարների՝ կանչի վայր հասնելը տուժածներ Յ. Լ.-ն (ծնված 1996 թ.), Ա. Թ.-ն (ծնված 1988 թ.), Խ. Ը.-ն (ծնված 2006 թ.) եւ Յ. Ա.-ն (ծնված 1960 թ.) տեղափոխվել են Վանաձորի ԲԿ, որտեղ Յ. Լ.-ի եւ Ա. Թ.-ի առողջական վիճակը գնահատվել է ծանր, Խ. Ը.-ինը՝ միջին ծանրության, իսկ Յ. Ա.-ինը՝ բավարար:

Փրկարարները VAZ-2107 մակնիշի ավտոմեքենայից դուրս են բերել ուղեւոր Գ. Վ.-ին (ծնված 2002 թ.) եւ մոտեցրել շտապօգնության ավտոմեքենային: Տուժածը հոսպիտալացվել է Վանաձորի ԲԿ, որտեղ նրա առողջական վիճակը գնահատվել է բավարար:

ՔԱՇՔՇՈՒԿ

ՀԱՅՀՈՅԵԼ ԵՆ ՊԱՐԵԿԱՅԻՆ ԾԱՌԱՅՈՂՆԵՐԻՆ

2023թ. մայիսի 5-ին ժամը 04:00-ին, ՀՀ ԿԳՆ ոստիկանության դարեկային ծառայության Գեղարքունիքի մարզի գումարակից զեկուցագիր է ստացվել այն մասին, որ «Ճամբարակ» ՏԵՊՈՒՄԱՍԻ Իրականացվող ծառայության ընթացքում 2023թ. մայիսի 4-ին ժամը 22:30-ի սահմաններում, Ճամբարակ քաղաքի Սեպտեմբերի 21 փողոցում նկատվել են, որ «Տոյոտա Ռավ-4» մակնիշի ավտոմեքենան կանգնել է հեծիոնային անցման վրա, եւ գզուսացրել են հեռացնել այն:

մոտ չունի վարորդական իրավունքի վկայական: Խոսակցության ընթացքում նույն փողոցում վարորդի եւ ուղեւորի գլխավորությանը մոտ 20-25 անձինք սկսել են քաջքել պարեկային ծառայողներին, տվել սեռական բնույթի հայտնաբերումներ, նրանցից մեկը բռունցքով հարվածել է պարեկային ծառայողներից մեկի դեմքին՝ պատճառելով ֆիզիկական ցավ, եւ դիմել փախուստի: Դեպքի վերաբերյալ ստացված հարողորման առթիվ ՀՀ քննչական կոմիտեի Գեղարքունիքի մարզային քննչական վարչության Սեանի քննչական բաժնում, ՀՀ քրեական օրենսգրքի 297-րդ հոդվածի 2-րդ մասի 1-ին կետով եւ 452-րդ հոդվածի

3-րդ մասով, նախաձեռնվել է քրեական վարույթ: Մայիսի 5-ին, առերեսությամբ հանցանք կատարելու մեջ անմիջականորեն ծագած հիմնավոր կասկածանքով, ձերբակալվել են Նշված ավտոմեքենայի 36-ամյա վարորդը, 40-ամյա ուղեւորը եւ 29-ամյա մեկ քաղաքացի, որոնք հանդիսանում են Ճամբարակ քաղաքի բնակիչներ: Նախաքննությունը շարունակվում է: Նշանակվել է դատաբժշկական փորձաքննություն: Ձեռնարկվում են անհրաժեշտ բոլոր վարույթային եւ ապացուցողական գործողությունները դեպքի հանգամանքները լիարժեք պարզելու, միջադեպի մասնակիցների ինքնությունը պարզելու, բոլորի արարքներին իրավական գնահատականներ տալու նպատակով:

● Ըստ ոստիկանության տվյալների՝ մայիսի 4-ից 5-ը Հայաստանի Հանրապետությունում բացահայտվել է հանցագործության 68 դեպք, որոնցից 5-ը՝ նախկինում կատարված:





ԳՐԵՈՒՅԿ

ՄԱՐԳԱՐԻՏԱ ՎԱՐՂԱՆՅԱՆԸ՝ ՆՈՐ ԺՈՂՈՎԱԾՈՒՄ

Մարգարիտա Վարդանյանը, որը ՀՀ ԱԺ 1-ին գումարման դասգամավոր է եղել, ընթերցողների դասին հանձնեց բանաստեղծությունների իր երկրորդ ժողովածուն՝ «Երբ դառնամ դեղձենի»-ն:

Ընթերցողներին միաժամանակ ներկայացվեց նաև Մարգարիտա Վարդանյանի «Աֆորիզմներ» գրքուկը: Հանդիպմանը ներկա էին գրական ոլորտի ներկայացուցիչներ: Խմբագիր Անի Փաշայանը նշեց՝ «Երբ դառնամ դեղձենի» ժողովածուն երկար է ստեղծվել, որպես գրականագետ՝ ողջունեց այդ հասկանալի: Նա ընդգծեց՝ Մարգարիտա Վարդանյանը գրելիս երկար ճանապարհ է անցել, որ այն կոչվի ժողովածու: «Կարդալով ես խմբագրելով Վարդանյանի ժողովածուն՝ պետք է ասեմ, որ մեր բանաստեղծական շրջան շարունակվում է: Պատկերացնում եմ, որ այլևս լավ բանաստեղծություն չգրվեր»,- նշեց նա:

Ըստ խմբագրի՝ գրողն անկեղծ է եղել. թվում է, թե ուրիշների կորցրած բառերն ու տողերն են: «Գրողը ճանաչում է աշխարհը, մարդկանց, նա իսկապես պատվել է աշխարհում: Այս գրքում մենք տեսնում ենք այդ պտույտը»,- նշեց նա: Ըստ Փաշայանի՝ Մարգարիտա Վարդանյանի բանաստեղծությունները փոքրիկ պոեմներ են հիշեցնում, իսկ աֆորիզմների ժողովածուն շատ երկար կապի: Գրողների միության նախագահ Էդվարդ Միլիտոսյանն էլ ողջունեց՝ Մարգարիտա Վարդանյանը կարողացել է գրողին իր մեջ բացահայտել ու լավ ներկայացնել: Գրքերը գրվել են 7 տարի: Մարգարիտա Վարդանյանը նշեց, որ գրքերը գրվել են երկար ու սիրով:

«Դրանք լիակատար «սաղմանավորվել են», անցել «հոլիվոյան» ամբողջ ժամանակաշրջանը եւ ծնվել են առողջ, փարթամ: Հիմա պետք է մենք տարածենք, ինչպես, մեծացնենք եւ փորձենք իրենց ինքնուրույն կյանքի ուղիորդել»,- նշեց հեղինակը: Վարդանյանն ասաց՝ հաճախ ինքն իրեն հարց է տալիս՝ ինչու է գրում: «Բայց երկրորդ հարցը, որ



ծնվում է, հետեյալն է՝ ինչո՞ւ եմ ապրում: Դրանք մոտավորապես նույն փիլիսոփայության հարցեր են: Եթե անկարող ես քեզ զսպել գրել, պետք է գրես, այլապես այդ մտքերը գուցե մեկ ուրիշ տեղ տանեն, գուցե՝ շատ վտանգավոր»,- ասաց հեղինակը: Նա գրքերում փորձել է անդրադարձնալ ամենատարբեր թեմաների: «Բոլոր գրքերը երրորդ աչքով տե-

սածի մասին են: Այսինքն՝ ես ինձ նայում եմ երրորդ աչքով, ձեզ նայում եմ երրորդ աչքով եւ փորձում եմ միացնել այդ երեք աչքերի տեսածները»,- ասաց Վարդանյանը: Մարգարիտա Վարդանյանն իր առաջին գիրքը՝ «Մի բուռ սատղային փոշի» բանաստեղծությունների ժողովածուն, հրատարակել է 2016 թվականին:

ԼՈՒՐԵՐ

ՎԵՐԱԳԱՐՉԸ ԳՐԵԹԵ ԱՆՆՆԱՐ Է

Աշխարհի չեմպիոն Արգենտինայի հավաքականի 35-ամյա հարձակվող Լիոնել Մեսսի վերադարձը «Բարսելոնա» գրեթե անհնար է: Պատճառը կատալոնական ակումբի ֆինանսական խնդիրներն են: Լա Լիգայի ներկայացուցիչները հերքել են լուրերը, թե «Բարսելոնայի» հետ քննարկել են այդ հարցը. հաղորդում է իսպանական AS-ը:

Ֆինանսական արդար խաղի կատակները չխախտելու համար «Բարսելոնան» պետք է հաջորդ մրցաշրջանի համար ընդհանուր աշխատավարձը կրճատի 200 միլիոն եվրոյով:

«Բարսելոնան» դեռ պետք է գրանցի Գավիի, Արաուխոյի, Ալոնսոյի, Ռոբերտոյի եւ Բալդեի սոր պայմանագրերը: Այդ պայմաններում Մեսսիի հետ պայմանագիր կնքելը գրեթե անհրապական է:

«Բարսելոնան» ամռանը պետք է Լա Լիգային ներկայացնի առաջիկա երեք տարիների տնտեսական կայունության ծրագիրը, որում Մեսսիի վերադարձի ծախսեր նախատեսված չեն:

Մեսսիի պայմանագիրը ՊՍԺ-ի հետ կավարտվի հունիսին: Կողմերը մտադիր չեն երկարաձգել համագործակցությունը:

ԵՐԳԻԾԱԲԱՆԸ ՎՍՏԱՆԵՑՆՈՒՄ Է

Երգիծաբան Եվգենի Պետրոսյանը վստահեցնում է, որ իր մոտ ամեն ինչ կարգին է, եւ ինքը վերակենդանացման բաժանմունքում չի հայտնվել:

«Ես պլանավորված ստուգում ունեմ, ի՞նչ վերակենդանացման բաժանմունք: Դա ուղղակի սովորական ստուգում է, որը ես տարին մեկ անգամ անցնում եմ»,- Teleprogramma.pro-ին տված հարցազրույցում ասել է Պետրոսյանը եւ նշել, որ սա առաջին դեպքը չէ, երբ լրագրողները կեղծ տեղեկություններ են հրատարակում:

Նրա խոսքով՝ մի անգամ ինքը գնացել է հիվանդանոց, սակայն հրատապ խնդիրների պատճառով այցը ստիպված են եղել հետաձգել: Այնուհետեւ լրատվամիջոցներում հաղորդագրություններ է տեսել այն թեստերի մասին, որոնք նա, իբր, հանձնել էր կլինիկայում: «Սա ոչ միայն սուտ է, այլև անձնական կյանքի ներխուժում: Ոչ ոք իրավունք չունի դա անել առանց թույլտվության: Ինձ մոտ ամեն ինչ լավ է»,- վստահեցրել է Պետրոսյանը:

Ավելի վաղ լրատվամիջոցներում տեղեկություն էր հայտնվել, որ Եվգենի Պետրոսյանն ատամնաբուժական իմպլանտի տեղադրումից հետո գտնվում է վերակենդանացման բաժանմունքում: Հաղորդվում էր, որ արտիստը, իբր, գնացել է ծնոտի ոսկորում ներդրված էնդոստեային իմպլանտ տեղադրելու, որից հետո բողբոջել է վերքից անդադար արյունահոսությունից:

ԵՐԱԺՇՏՈՒԹՅՈՒՆ

ՄԻՄՖՈՆԻԿ ՆՎԱԳԱԽՈՒՄԲԸ ՏՈՆ ԿՆՎԻՐԻ

Հայաստանի դեսպան սիմֆոնիկ նվագախումբը հերթական անգամ հաճելին կմասնուցի երաժշտության եւ կինոյի երկրագուններին՝ մայիսի 20-ին հանդես գալով «Միմֆոնիկ Հուլիվուդ» համերգով:

Համերգը, որը կղեկավարի դիրիժոր Հարություն Արզումանյանը, տեղի կունենա «Արամ Խաչատրյան» համերգասրահում: Կինոյի երաժշտություն «Աստղային պատերազմներ», «Մեռնել ուրիշ անգամ», «Մալենա», «Կարիբյան ծովի ծովահենները», «Ռոմեո եւ Ջուլիետ», «Լեգենդ դաշնակահարի մասին», «Մատրից», «Հարրի Փոթերը եւ փիլիսոփայական քարը», «Նախաճաշ Թիֆանիի մոտ», «Ֆորեստ Գամփ», «Գլադիատոր», «Առաքելությունն անիրագործելի է», «Կնոջ բույրը», «Կնքահայրը», «Սարդ-մարդը», «Գահերի խաղը», «Ռոկկի» կինոֆիլմերից:



● Մայիսի 7-ին Ա. Սպենդիարյանի անվան օպերայի եւ բալետի ազգային ակադեմիական թատրոնում տեղի կունենա «Ալլա Ղուխոյվայի «Տոդես» բալետը» համերգը: Տոմսերի արժեքը՝ 8000-45000 դրամ:



Էջը՝ ՌՈՋԱ ՊՈՂՈՍՅԱՆԻ

**ՎՃԱՐՆԵՐ**

**ՀԱՐՑ. Խնդրում եմ ասել՝ ո՞րն է երրորդ երկրից ՀՀ ներմուծվող ապրանքի մաքսային արժեքը:**  
*Ստելլա Բարսեղյան (49 տարեկան)*



**ՊԱՏԱՍԽԱՆ.** Տեղեկացնում ենք, որ Մաքսային միության մաքսային սահմանով տեղափոխվող ապրանքների մաքսային արժեքը որոշելու մասին համաձայնագրի 4-րդ հոդվածի 1-ին մասի համաձայն՝ Մաքսային միության մաքսային տարածք ներմուծվող ապրանքների մաքսային արժեքն այդ ապրանքների հետ գործարքի արժեքն է, այսինքն՝ այն գինը, որը փաստացի վճարվել է կամ ենթակա է վճարման այդ ապրանքները Մաքսային միության մաքսային տարածք արտահանելու նպատակով վաճառելիս, եւ որը լրացվել է նշված համաձայնագրի 5-րդ հոդվածի դրույթներին համապատասխան հետեւյալ պայմանների կատարման դեպքում.

- գնորդի՝ ապրանքների օգտագործման եւ տնօրինման իրավունքների մասով սահմանափակումներ չկան՝ բացառությամբ այն սահմանափակումների, որոնք սահմանվել են Մաքսային միության մարմինների համատեղ որոշմամբ, սահմանափակում են այն աշխարհագրական տարածաշրջանը, որտեղ ապրանքները կարող են վերավաճառվել, էապես չեն ազդում ապրանքների արժեքի վրա,

- ապրանքների հետագա վաճառքի, գնորդի կողմից այլ կերպ տնօրինելու կամ օգտագործելու արդյունքում ստացված եկամտի կամ հասույթի ոչ մի մաս ուղղակիորեն կամ անուղղակիորեն չի հատկացվում վաճառողին՝ բացառությամբ այն դեպքերի, երբ, նշված համաձայնագրի 5-րդ հոդվածին համապատասխան, կարող են կատարվել լրացուցիչ հաշվեգրումներ,

- գնորդը եւ վաճառողը փոխկապակցված անձինք չեն, կամ գնորդը եւ վաճառողն այնպես են փոխկապակցված մեկը մյուսի հետ, որ ներմուծվող ապրանքների հետ իրականացվող գործարքի արժեքն ընդունելի է մաքսային նպատակների համար՝ նշված հոդվածի 4-րդ կետին համապատասխան:

**ՀՀ պետական եկամուտների կոմիտե**

**«ԺՈՂՎՈՒՐԳ».** Ապրանքների վաճառքը կամ դրանց գինը կախված չէ որեւէ պայմանից կամ պարտավորությունից, որի ազդեցությունը ապրանքների գնի վրա չի կարող քանակապես որոշվել:

**ԿՎՐԳ**

**ՀԱՐՑ. Խնդրում եմ ասել, թե ինչ է իրենից ներկայացնում հողամասի կառուցադասման իրավունքը:**

*Ռոբերտ Մխիթարյան (32 տարեկան)*



**ՊԱՏԱՍԽԱՆ.** Քաղաքացու հարցին ի պատասխան՝ տեղեկացնում ենք, որ կառուցապատման իրավունքը անձի իրավունքն է այլ անձի պատկանող հողամասում քաղաքաշինական նորմերի ու կանոնների, ինչպես նաեւ հողամասի նշանակության վերաբերյալ պահանջների պահպանմամբ, սահմանված կարգով կառուցել շենքեր եւ շինություններ, դրանք վերակառուցել կամ քանդել եւ կառուցապատման իրավունքի գործողության ժամկետի ընթացքում տիրապետել եւ օգտագործել այդ գույքը (Հայաստանի Հանրապետության քաղաքացիական օրենսգրքի 2041-րդ հոդված):  
**ՀՀ կադաստրի կոմիտե**

**«ԺՈՂՎՈՒՐԳ».** Նշենք, որ պետական կամ համայնքային սեփականություն հանդիսացող հողերը կառուցապատման իրավունքով տրամադրվում են միայն Հայաստանի Հանրապետության հողային օրենսգրքի 60-րդ հոդվածով սահմանված հողամասերից:

**ԼՈՒՐ ԿԱՂԻ**

*Լուսանկարն արվել է Կոտայքի մարզում*



Լուսանկարն արվել է Մայիսի 5-ին՝ ժամը 09:21-ին, Կոտայքի մարզային ճգնաժամային կառավարման կենտրոն ահազանգ է ստացվել, որ Ազատի ջրամբարում սուզված ավտոմեքենան դուրս բերելու համար անհրաժեշտ է փրկարարների օգնությունը:

Դեպքի վայր են մեկնել ՆԳՆ ՓԾ Երեւան քաղաքի փրկարարական վարչության հատուկ նշանակության փրկարարական աշխատանքների իրականացման կենտրոնի փրկարարական եւ ջրասուզական խմբերը:

Փրկարարները ջրամբարից դուրս են բերել «Izh» մակնիշի ավտոմեքենան:

**ԲԱԺԱՆՈՐԴԱԳՐՈՒԹՅՈՒՆ**

Մեր թերթը  
Բաժանորդագրվելու  
համար կարող եք դիմել

«Հայմամուլ» ՓԲԸ  
հեռ. 45-82-00, 45-19-11

«Հայփոստ» ՊՓԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

**ԱՌԱՋԱՐԿ**  
**հայկական տպագիր մամուլից**

«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.

**ԵՂԱՆԱԿԻ ՏԵՍՈՒԹՅՈՒՆ**



☾	Շիրակ	- 2 + 2 +14 + 18	☾	Արարատ	+ 7 + 10 +24 + 26
☾	Կոտայքի լեռներ	- 2 + 2 +13 + 16	☾	Արմավիր	+ 6 + 8 +24 + 26
☾	Կոտայքի նախալեռներ	+ 5 + 7 +18 + 20	☾	Վայոց ձորի լեռներ	- 1 + 2 +14 + 16
☾	Գեղարքունիք	0 + 4 +13 + 18	☾	Վայոց ձորի նախալեռներ	+ 5 + 5 +19 + 23
☾	Լոռի	+ 2 + 6 +12 + 18	☾	Սյունիքի հովիտներ	+ 8 + 11 +23 + 28
☾	Տավուշ	+ 3 + 8 +20 + 24	☾	Սյունիքի նախալեռներ	+ 3 + 6 +17 + 20
☾	Արագածոտնի լեռներ	- 1 + 3 +13 + 16	☾	Արցախ	+ 7 + 11 +20 + 25
☾	Արագածոտնի նախալեռներ	+ 5 + 8 +18 + 23	☾	Երեւան	+ 7 + 9 +21 + 23

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Աբովյան 22<sup>ա</sup>/3, հեռ՝ 010 54-64-23  
Պետական գրանցման վկայականի համարը՝ 03Ա089086  
տրված է 24.11.2010  
Ստորագրված է տպագրության 5.5.2023

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեւյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: